

新疆建置志

新編東國史

新疆建置志卷四

醴泉宋伯魯芝田撰

疏勒

北極高三十九度二十五分距京師偏西四十二度二十五分夏至晝長五十九刻九分夜長三十六刻

六分冬至晝長三十六刻六分夜長五十九刻九分午正日景夏至長二尺八寸六分冬至長一丈九尺五寸四分

春秋分長八尺二寸二分

漢爲疏勒國

今喀什噶爾英吉沙爾二城地漢書疏勒國王治疏勒城有列

市西當大月氏大宛康居道

後漢永平中疏勒爲龜茲所滅漢仍立之

其後遂爲疆國陽嘉中獻師子犍牛

後漢書班超傳永平十七年春超從間道

至疏勒去兜題所居盤橐城九十里逆遣吏田慮先往降之勅慮曰兜題本非疏勒種國人必不用命若不卽降便

可執之慮旣到兜題見慮輕弱殊無降意慮因其無備遂前切縛兜題左右出其不意皆驚懼奔走慮馳報超超卽

赴之悉召疏勒將吏說以龜茲無道之狀因立其故王兄之子忠爲王國人大悅西域傳明帝永平十六年龜茲王

建攻殺疏勒王成自以龜茲左侯兜題爲疏勒王冬漢遣
軍司馬班超超劫縛兜題而立成之兄子忠爲疏勒王十八
年龜茲數攻疏勒超常與忠爲首尾會超以徵還莎車疏
勒降龜茲與尉頭連兵超回疏勒收反者擊敗尉頭疏勒
乃定章帝建初三年發其兵擊破姑墨石城五年疏勒都
尉番辰復反超大破之六年超又發其兵攻莎車忠通於
莎車西保烏卽城超更立其府丞成大爲王元和元年忠
詐降超殺之安帝元初中疏勒王安國以舊臣磐有罪徙
於月氏月氏王親愛之後安國死無子母持國政與國人
共立臣磐同產弟子遺腹爲疏勒王臣磐聞之請月氏王
曰安國無子種人微弱若立母氏我乃遺腹叔父也我當
爲王月氏乃遣兵送還疏勒國國人素敬愛臣磐又畏憚
月氏卽共奪遺腹印綬迎臣磐立爲王更以遺腹爲磐藁
城侯後莎車叛于闐屬疏勒疏勒遂爲強國順帝永建二
年臣磐來獻五年遣侍子謁闕陽嘉元年熾煌太守徐由
遣臣磐擊于闐破之二年貢師子犂牛靈帝建寧元年爲
季父和得所殺和得自立爲王三北魏時并有莎車又名
年漢討之攻積中城不能下引去

佉沙

按唐西域記注云舊謂

貢佛袈裟一

北史西域傳疏勒國文成末其

王遣送釋迦牟尼佛袈裟一長二丈餘帝以審是佛衣有靈異遂燒之以驗虛實置猛火上經日不然觀者莫不悚駭其都城方五里國內有大城十二小城數十其人文身碧瞳手足皆六指產子束頭使褊有六指者即不育又按唐西域記佉沙國周五十餘里多沙磧少壤土稼穡殷盛花果繁茂出細氈毼工織細氈毼其俗生子押頭匾匿容貌粗鄙文身綠睛文字取則印度從此東南行五百餘里濟徙多河踰大沙嶺至所句迦國按疏勒今皆纏回無文身者亦無有匾首六指者知其種族數易矣隋煬帝大業中王阿彌厥來貢唐

貞觀中置都督府備四鎮後沒於吐番長壽初復置都督

府唐書地理志疏勒都督府貞觀九年疏勒內附置領州十五列備四鎮十三年與朱俱波甘棠貢方物西域傳

疏勒一曰佉沙王姓裴氏自號阿摩支居迦師城突厥以女妻之儀鳳中吐番破其國武后長壽二年王孝傑破吐

番復其國列四鎮焉開元十六年遣大理正高夢松冊其君安定爲疏勒王天寶十二年遣首領裴國良來朝後不

見於宋爲疏勒國後并於于闐南渡後屬西遼宋史外元史國傳于闐國西北至疏勒二千餘里

及明皆爲喀什噶爾

元史太祖九年討契丹遺俗曷里麥里以曲出律首往徇其地遂內附後

以封察哈台之孫阿魯忽世祖至元十一年四月詔安慰喀什噶爾等城以阿魯忽叛而慰諭之也明史西域傳喀什噶爾舊作哈實哈爾亦西域部落永樂六年李達等齎

敕往賜卽奉命十一年遣使入朝貢方物宣德時亦來朝貢天順七年命指揮劉福普賢使其地其貢使亦不能常

至按元史喀什噶爾舊作合失合爾職方外紀作加斯加爾皆一清興爲回酋大和卓木波羅泥都所居乾隆時十二

音之轉

三霍集占卓卽小和棄庫車而西將軍兆惠率師追之至葉

爾羌波羅泥都自喀什噶爾以衆馳赴與霍集占負隅固

拒累月我師還次阿克蘇將整軍進霍集占懼自葉爾羌

遁而西波羅泥都復入喀什噶爾盡驅出其男婦出城脅

之偕行縱火焚廬舍衆弗從爭入城守賊乃盡掠牲畜踰

山而西與霍集占俱遠遁其舊伯克人民脫歸者迎謁軍

門以城降

西域圖志初大軍未至城百里外回民扶老攜幼跪迎爭獻牛酒且言曰吾曹受準噶爾殘虐

數十年賦役繁重民不聊生久思歸附聖化而兩和卓木負恩背叛鉗制我等莫由自通使我田不得耕種畜不得游牧小大惴惴罹於鋒鏑今一旦去湯火得安社席世世子孫爲大皇帝編氓更生之幸實過願望凡有役使惟將軍大人命兆惠等宣諭皇上德意皆鼓舞踴躍喜見顏色於是喀什噶爾所屬境咸隸版籍時乾隆二十四年閏六月也有御製喀什噶爾回衆投誠詩其後六十一年

嘉慶庚午

而有張格爾之變

又三十五年

同治元年

而有安集延之亂

皆詳見兵事志

光緒初平之

光緒五年南疆始大定八年議建行省罷參贊以下及伯克各員置疏勒直隸州後升爲府二十八年析前州屬之牌素巴特雅素里克各莊分隸伽師又以其界東至伽師英吉沙爾廳所屬之別什幹大莊歸本境

縣和色布衣莊

八十里

東北至巴楚州鐵里木華莊

一百五十里

南至英吉沙爾廳洽滿勒可樂薩可及麥尼牙孜三莊十九

里東南暨西南至英吉沙爾廳帕拉齊鐵月思二莊西北

至疏附縣賽爾瑞霍爾罕阿爾瓦特三莊五十皆其屬也

東西三百二十里有屯八曰平慶曰廣濟曰得意曰太平

曰安邊曰鎮遠曰永豐曰永定皆負郭有大回莊五曰巴

依托海城東七曰罕愛里克城東南九十里曰岳普爾湖

城東南一百七十里曰塔斯渾城南四曰別什干城南七

西域圖志作八十里提斯小回莊一曰巴仁凡大小回莊六共領小村一百八

十二西域圖志喀什葛爾所屬村城二十曰霍爾干在城

東北十里木什特們兩河之間曰伯什克勒木城東

三十五里踰木什誇斯騰至其地曰伊克斯哈拉城東八

十里曰玉斯屯哈喇圖什城東北八十里由巴爾昌西南

六十里踰山至其地當山口有小城曰阿斯騰阿拉圖什
城西北六十里地當山口爲特們郭勒發源處西南踰木
什譚斯騰至其地曰鄂什城西北百二十里又西北踰山
通布魯特界曰阿喇古城東北百四十里地當北山南麓
曰阿爾巴特城東南四十里在木什赫色勒兩河之間曰
牌租阿巴特城東二百里曰赫色勒布伊城東南百五十
里在赫色勒雅雅爾兩河之間有小城曰汗阿里克城
東南百四十里在赫色勒雅雅爾兩河之間曰哈喇刻
爾城西南三十里赫色勒特爾墨楚克兩河環帶之間曰
提斯衰城南六十里曰岳普爾和城南八十里曰塞爾門
城西南五里赫色勒特爾墨楚克兩河環帶之間與哈喇
刻爾東西相望曰托克庫爾薩克城西南四十里雅雅爾
爾譚斯騰北岸又一水出西山中東流環其北境曰鄂坡
爾城西南百二十里雅雅爾譚斯騰環其西南境有小
城曰塔什巴里克城東南四十里曰英噶沙爾城南二百
里今設廳曰托僕魯克城東南二百七十里按一統志同
惟無塔什巴里克一處而增和什庫珠克阿喇楚勒二處
自注云皆在境外新疆識略屬城十六曰賽爾滿卽賽爾
們城北五里曰伯什克勒木城東北三十里曰玉斯圖阿
爾圖什卽玉斯屯哈喇圖什城正北五十里曰阿斯圖阿

爾圖什卽阿斯騰阿喇圖什城東北七十里曰阿爾瑚卽
阿喇古城東北八十里曰阿爾瓦特城正東三十里曰牌
素巴特卽牌租阿巴城正東百六十里曰和色爾布依卽
赫色勒布伊城東南八十里曰罕愛里克卽汗阿里克城
正南百五十里曰塔斯渾卽提斯衰城正南八十里曰岳
普爾瑚卽岳普爾和城東南二百里曰霍爾罕卽霍爾干
城北五里曰托古薩克卽托克庫爾薩克城正西三十里
曰烏帕爾卽鄂坡勒城西南一百里曰塔什密里克卽塔
什巴里克城西南百五十里曰木什素魯克城西北八十
里較之西域圖志無伊克斯哈拉鄂什哈喇刻爾英噶薩
爾托璞魯克而多木什素魯克城今鄉土志只有回莊五
與西域圖志相同者僅四處其他年久不著抑或散處一
百八十三小八屯皆漢民鄉土志始道光八年大軍征張
格爾隨營來此因其流落難歸
回莊之內也
設中安置無事聽其耕種有事入城守助原額五百戶同
治三年安酋帕夏之亂死亡七八光緒三年安逆平經善
後局清查原地撫舊招新現其土著纏回有白黑種之別
計三百二十戶居然土著矣
而皆阿刺伯族其人力農畝稻麥包穀歲常贏裕胡麻朽

花皆常產而朽尤盛

鄉土志小麥每年產十三四萬石包穀每年產十一萬餘石稻二三萬石

胡麻四五百石

罕愛里克莊出大布

每歲約出五六萬正西販俄國約三四萬

匹按職方外紀加斯加爾多高山產玉石二種出水中者極美出山石中者以薪火燒石迸裂乃鑿取之甚費工力

此殆合葉爾羌通名之曰加斯加爾也然今亦無燒石取玉者或昔年曾有之喀什噶爾廛市之

盛在故回城今疏附縣也疏附與喀什道同治

光緒九年析喀什噶

爾西北地置東西四百八十里南北一百四十里

其界東南至府治南至蒲犁廳

西南至布魯特西北至俄羅斯皆其屬也其民多山北雜

種

今惟乾隆時入教之衛拉特尚異其名曰情蘭餘俱無別

有大莊九曰賽爾滿曰霍

爾罕曰伯什克勒木曰阿爾瓦特曰托古薩克曰烏帕爾

曰塔什密里克曰玉斯圖阿爾圖什曰木什素魯克

賽爾滿霍

爾罕兩大莊號爲膏沃烏帕爾阿爾瓦特伯什克勒木次之塔什密里克玉斯圖阿爾圖什又次之托古薩克木什素魯克而布魯特分五部曰胡什齊鄉土志北界巴圖瑪爲下

與俄七河省薩爾巴接南抵土番薩依與伽師縣格達梁接東抵闢展大山與烏什廳西鄙接西界冲巴噶什部蘇渾山東西一百七十里南北二百一十五里曰冲巴噶什北界自博孜艾格起至庫嘎爾塔達坂止

與俄七河省阿哈哈沙依及阿拉的灣接南界巴爾昌伊蘭瓦斯伊斯里克哈朗圭各內卡東界蘇渾山哈喇別里達坂西界岳瓦什部古里帖梗及也斯克奇克曰岳瓦什北卡東西六百四十里南北二百五十七里

吐子河蘇薩瓦雅雅爾得等達坂與俄費爾干省接南抵瑪爾幹山及哈喇特山與希布察克部接東抵葉雷古力鐵梗與冲巴噶什部接西界愛坎什唐木河與俄曰希布倭什縣接東西二百五十里南北二百三十五里

察克北抵瑪幹山與岳瓦什部接南抵烏魯瓦特山與奈曼部接東抵玉都巴什內卡西至黑孜爾拉提達坂與俄阿賴依接東西五百四十里南北二百八十里曰奈曼北抵烏魯瓦特山與希布察克部接南抵瑪雅

爾河與蒲廳接東抵倭儀塔哈阿格嘴西抵黑牙克巴皆什與俄屬讓庫爾接東西四百三十里南北八十里

徙格爾蒙古包也牧葱嶺其僑雜錯處稗販耕作漢民漢回無

慮數百戶漢民二百九戶漢回一百七戶而俄人徙自安集延霍罕塔什

干等處往往受田宅長子孫俄人二百五十餘戶其踰葱嶺而東逐

錐刀之末者皆英人也愛烏罕巴達什罕約三十餘人均回教退擺特克什米爾約五十餘

人均天教故人類之雜厝以此地爲最其教殊其俗尙亦

禁食牛回民誦經禮地多磧鹵饒檉榆葭葦其沃壤粉穫每歲

異拜布民則否小麥包穀率數十餘萬石而牛羊駝馬富者阡陌成羣瑰

貨霧集華夷輟輳遷引之盛甲於南疆葱嶺之東一大都

會也鄉土志本境運往俄國銷行各貨二十三年羊毛三十六萬六千餘斤牛羊皮二十三萬三千餘斤棉花

新疆建置志 卷四 六 關中叢書

三十四萬三千餘斤土布五萬餘疋印花布三萬餘疋乾
果十二萬五千餘斤均係陸運計駝馱一千二百餘馱馬
馱四千二百餘馱自俄國運入本境各貨鴉爾緞一萬二
千八百餘疋哈薩緞六千四百餘疋各色洋布二萬五千
餘疋各色洋糖九萬一千餘斤生熟鐵一十六萬餘斤石
油一千六百餘桶均係陸運計駝馱一千二百餘馱馬馱
一千九百餘馱城鄉工匠五千三百餘家木工泥工居多
工匠所作之物毡子毛毯毛繩毛帶毛口袋帽子皮靴鞋
土布棉線口袋麻繩各色當全盛之時人習技巧彫玉鏤
乾果胡麻油蘆席紅柳筐金之器跨越上國而習俗奢靡多妓女嫻歌舞富家皆畜
聲樂客至命酒必出以侑觴然畏法事官長如神明不似
庫車以東悍然僊野而已其城內東北隅有泉世號耿恭
井云按此說始於水經注鄉土志從之按耿恭傳恭爲戍
己校尉屯車師後王金滿城爲匈奴所攻恭引衆入
疏勒城城中乏水穿井十五丈不得恭整衣服向井再拜
爲軍士禱飛泉湧出賊遂退水經注遂引耿恭傳於疏勒

國下而不知其乃大謬也按此疏勒城距金滿當不遠故恭倉卒間得入而據之若疏勒國爲今喀什噶爾去金滿尚二千餘里恭安得輒退二千里而守此且永平時疏勒尚強戶二萬一千勝兵三萬安有城中乏水之理卽匈奴亦安得遠涉二千里圖其國哉疏勒世與龜茲于闐爲敵國未嘗與匈奴交兵漢史具在可考而知酈氏豈未之聞耶辛卯侍行記謂耿恭所據乃天山北之疏勒城非葱嶺東之疏勒國當矣又謂唐之耶勒城守捉疑在今阜康境或卽耿恭所守其東南里爲伽師伽師漢疏勒國地唐之地理或然也

爲佉沙城卽阿摩支王所居者也

唐書西域傳疏勒一曰佉沙王姓裴氏自號阿

摩支居迦師城突厥以女妻之光緒二十九年置縣

其界東至巴楚州卡拉克沁驛

南至莎車府英吉沙爾戈壁東南至巴楚州戈壁西南至

疏勒府罕愛里克莊西至疏勒府雅滿雅爾驛北至俄羅

斯七河省牌博西北至疏附縣伯什克勒木及玉斯圖什

莊東北至溫宿府烏什廳皆其屬也東西南北里有莊四

曰牌素巴特即縣治領小村四十五西曰和色布依城西北

十里領小村四十一西域圖志作赫曰阿斯圖什城西北

色勒布伊新疆識略作和色爾布依拉圖什新疆識略作阿斯圖阿爾圖什皆一音之轉也

曰阿爾湖城西北二百三十纏民為土著布魯特漢回皆

僑寓者也有農三萬工一萬商千鄉土志農三萬六千一百七十五名工一萬九

百九十二商一穀有小麥包穀胡麻朽花果有杏工有布

鄉土志小麥每年約產十一二萬石包穀八萬餘石胡麻

二三百石棉花三十四萬斤杏仁萬餘斤布十餘萬疋

有出境者其俗與疏附同而無其殷阜

英吉沙爾北極高三十八度四十七分距京師偏西四十三度五十分夏至晝長五十八刻十分夜長三

十七刻五分冬至晝長三十七刻五分夜長五十八刻十分午正日景夏至長二尺七寸四分冬至長一丈九尺零二分春秋分長八尺零四分

漢依耐國地其種類羌氏菹收不田作而

仰食於他縣

按漢書西域傳蒲犂依耐及無雷國皆西北類也與胡異其種類羌氏隨畜逐水草東北

至都護治所二千七百三十里至莎車五百四十里至疏勒六百五十里至無雷五百五十里南與子合接少穀寄田疏勒莎車西域圖考依耐於漢爲小國介在莎車疏勒之間後漢不著當爲莎車王賢所并也前漢莎車爲今之葉爾羌疏勒爲今之喀什噶爾史稱依耐東至莎車北至疏勒揆厥方隅非英噶薩爾莫屬也又考山南皆居國而依耐獨爲行國無城郭宮室其城爲後世所建故曰新城英吉沙爾者纏語新城也

後漢并於莎車

三國屬疏勒元魏隋唐皆爲疏勒國地唐爲朱俱波地宋

爲疏勒地元爲巴什伯里克地明爲喀什噶爾地其地西

面多山巖壑深阻高處騎犂牛乃得升爲外藩各國入回